

ЛЕНИНОНЬ И СТАЛИНОНЬ ВЕРНАЙ СОРАТНИКСНОНДЫ—ВЯЧЕСЛАВ МИХАЙЛОВИЧ МОЛОТОВТИ

Большевиконь партиять Центральнай Комитетонь седи вакска, при-
ветствует тонь, Ленинон и Сталинон вернай соратникснот, совет-
ский правительствать руководителенц—тонь ведьгемонь кизотнень
топодама шистост.

Сембе эсь сознательнай эряфцень пингста тон апак лотксек
служат рабочай классонь тевти, коммунизмань тевти кода выдаю-
щай деятель и вождь большевистский партияти. 1905—1907 кизот-
нень пингста революциянь поражениедонза меле реакциянь равжа
кизотнень пингста, рабочай движениянь кеподемань кизотнень пинг-
ста, „Звездать“ и „Правдаты“ эпохаста, васенце мировой империа-
листический войнаць толонц эса—тон фалу вяре кирдить больше-
визмань знамять, апак лотксек тюреть минь странасонк пролетариа-
тонь диктатурать инкса. Петроградский Военно-Революционнай Ко-
митетса членкс улемстот тон йотафтоть революционно-больше-
вистский оцю работа 1917 кизонь октябрыста. Донбассонь, Украи-
нань, Московонь партийнай организациятнень эса руководителкс
улемстот, ВКП(б)-нь ЦК-ти секретарькс улемстот эсь работацень
мархта, Советский правительствань главань постса эсь лама кизонь
славнай работацень мархта тон заслужил горячай кельгома и пяк
оцю уважения партиять и Советский Союзонь трудящайхнень ширде.

Кода фкя инь виднай вождь большевистский партияти, кода
инь крупнай организатор социалистический экономикати и од, ком-
мунистический культурати, тон сувафтыть эсь эзт ленинско-сталин-
ский типонь политический деятельнень инь цебарь качествацень. Тон
фалу вятеть и вятят последовательнай тюрема марксизмать-лени-
низмать идеязон инкса, апак лотксек аралакшнемок партиять ли-
нияц партиять и советский народть врагонзон каршес, троцкист-
тнень, зиновьевецнень, бухаринецнень и буржуазияць лия агентон-
зон каршес.

Тонь энергияцти, ССР-нь Союзонь Народнай Комиссаронь Со-
ветонь председателень постса тонь неутомимай работацти социализ-
мань странась ламоса обязан эсь успехонзон и победанзон мархта.
Партиять и странать инголе эсь устной и печатнай выступлениятнень
эса тон обобщаешь коммунистический обществань тиэмаса великай
работань гигантский опытть.

Седи вакска арьсетыма тейть, минь кельгома другоньке и ялгань-
ке, лама и лама кизот шумбраши и сяда товоддонь плодотворнай
работа минь партияньконь благанцты, минь родинаньконь благанц-
ты, коммунизмать благанцты.

Всесоюзнай Коммунистический (большевиконь) партиять
Центральнай Комитетонь.

СССР-нь Верховнай Советть Президиумонц указоц

**СССР-нь Народнай Комиссаронь Советть председателенц
Вячеслав Михайлович Молотов ялгать Ленинонь ордена
награжденияц колга**

Большевистский партиять организовандамань, Советский госу-
дарствань тиёмань и кемохстамань тевса выдающей заслуганкса наг-
радить СССР-нь Народнай Комиссаронь Советть председателенц
Вячеслав Михайлович Молотов ялгать, сонь 50 кизонь топодама
шистонза—Ленинонь ордена.

СССР-нь Верховнай Советть Президиумонц председателенц
М. КАЛИНИН.

СССР-нь Верховнай Советть Президиумонц секретарец
А. ГОРКИН.

Моску, Кремль. 1940 кизонь мартть 8-це шистонза.

ЛЕНИНГРАДСКИЙ ВОЕННАЙ ОКРУГТЬ ШТАБОНЦ ОПЕРСВОДКАЦ

Мартть 9-це шистонза фронтса шиньберф мезевок существеннай ашель.

Выборгский заливса минь частеньке заняць Поркансаари и Пю-
испансаари острофнень и тя заливць западнай берягсонза Карп-
пила и Рюхеля местечкатнень, а Выборгть северо-восточнай шире-
сонза заняць Выборг-Сердоболь

машина кить лангса Репола мес-
течкаць.

Минь авиацияньке мольфтсь ак-
тивный действия противникть
войсканзон и военнай об'ектонзон
ланга. Воздушнай бойхвнень пинг-
ста прафтфт противникть 5 само-
летонза.

(ТАСС).



СССР-нь Верховнай Советть Президиумонц указоц

**Пермь ошть Молотов ошекс и Пермский областть
Молотовский областекс переименованияснот
колга**

Пермь ошень и Пермский областень общественной организаци-
ятнень мяльснот пашкодманц инкса переименовать Пермь ошть
Молотов ошени и Пермский областть Молотовский областени.

СССР-нь Верховнай Советть Президиумонц председателенц М. КАЛИНИН.

СССР-нь Верховнай Советть Президиумонц секретарец А. ГОРКИН.
Моску, Кремль. 1940 кизонь мартть 8-це шистонза.

СССР-нь Верховнай Советть Президиумонц УКАЗОЦ

**Смоленский военно-политический училищати и зенитнай
артиллериянь Горьковский училищати В. М. Молотов ялгать
лемонц максоманц колга**

В. М. Молотов ялгать ведьгемонь кизонь топодаманц ознаме-
нованияц инкса максомс Молотов ялгать лемонц:

1. Смоленский военно-политический училищати.
2. Зенитнай артиллериянь Горьковский училищати.

СССР-нь Верховнай Советть Президиумонц председателенц М. КАЛИНИН.

СССР-нь Верховнай Советть Президиумонц секретарец А. ГОРКИН.

Моску, Кремль.
1940 кизонь мартть 8-це шистонза.

Михаил Ильич Безбородов

Луга лангса

Зорясь олай,
Олай, олай,—
Олась и юмась,
Шинять цяткоц,
Васень цяткоц
Лаймоть ланга прась.
Сиянь росать,
Сиянь росать,
(Кона тишеть штась)
Цяткоц пидезе
И Мокшети
Эшляма сувась.
Венемсь, керендсь,
Венемсь, афкстась,
Кеподезе прянь
Додуц лангста,
Палаткаста
Лиссь ушу Гурьянц.
Шамань штама
Ласьки Мокшети,—
Штазе и мрдась.
Кафта кядьса
Пара мяльса
Ражокти кундась.
Эводсь лаймось,
Пандовсь ваймоц,
Ражоксь морай зоря;
Бригадати,
Ударникти
Кайги моронц йорай.
Стяда, варьхмодсь,
Стяда, варьхмодсь,
Стяда, стяда, стяда!
Фкя-фкянь йотазь,
Фкя-фкянь йотазь,
Лядема кундада.
—Сембе анокт,
Сембе анокт,—
Бригадирсь ивадсь.
Фкя-фкянь йотазь
Пеелепне
Тишети сувасть.
Серьцек, мельцек,
Серьцек, мельцек
Лядихть сембе фкакс.
Лядихть, лядихть...
Мельгаст лаймоть
Тингокс шамац штадсь.
Пеелепне
Коршазь-коршайхть,
Нарайхть лаймоть прянь.
—Аф йотаван,
Кенерьхть мельган,—
Ювади Гурьянц.
—Гурьянть мельга,
Гурьянть эзда
Тят ляда фкя вакс!
—Эраздоне,
Финишсь мала,

Няеви ни флагсь,
Серьцек, мельцек,
Серьцек, мельцек
Тюзя тишесь прафтф.
Менельть няфтьсы
Гурьянть кядьса
Вяри кепотьф флагсь.
—Хо, хо, хо, ха...
Хо, хо, хо, ха...
—Ой, аванят, хай;
Рахазь, моразь
Авань рота
Велеть ширде сай.
Пильгсна акшет,
Прясна якстерхть.
Молихть, кандыхть увф,
Сембонь вийсна
Тянинь тевти
Бригадава лувфт.
—Эй, од ават,
Няфтесть тячи

Кели лаймоть лангса
Эсь виентень
Стане, кода
Улхка минь сокамста.
Няфтесть, ваность,
Кода моли
Марстонь вийса тевсь.
Минь вийеньке
Минь тевоньке—
Кулаконь кургти кевсь.
—Аноктама,
Аноктама,—
Аватне ивадсть.
Серьцек, мельцек
Веляфтф тишеть
Срафнемонза срадсть.
Вишке кядьса
Грабля недьса
Срафнесазь эрь рядть.
А вирть алда,
Гурьян ялгась
Пишкеры: „лядьть, лядьть“!



ТЮРЕМАНКСА

Кядьсон сьорма...
Сьорматф: „Тяни топодсть...
Пандовсь кяжсна,
Конань кирнесть лангсот.

Ули стака,
Но аф сави сьопомс,
Миша, ильце
Арась кяжень панксокс“.

Сьормась равчкодсь
„Шавозь“ —стака валста.
Эськса сьалговсь
Седизе тя пингста.

Кали нельгозь
Од эрьфонь валдста,
Вракнень каршес
Тюремазень инкса?

Да, тя сянкса,
Мес перазень песа
Лифнень-тарксень
Вракнень валда ведьти,

Вови сусксть синь
Пялас пинень пейса
Седи ваксстонь
Алешказень сeditи.

Ашезь када
Касомс оцю алякс,
Кона теень
Максоль оцю лезкс,

Но сонь лемонц
Равжа вийхне саласть,
Тяфта тисть синь
Эряфозьти сязькс.

Да, изеть ванов.
Пиштезь кадыть эряфть,
Кадыть сембонь
Мезе ульсь ужалъ.

Шетка корхтать:
„Аляй, Алешть мяляфтьк,
Кда кирдеть
Колган пара мяль“...

Кирдень, кирдень,
Седи вакстонь цьорай,
Куломаце
Касфтозе тюремазень.

Сякокс кяжда
Вракнень каршес моран,
„Куломс тюремс“—
Валозень мон азонь.

Иван Чумаков

Живой поэзия

Келихть ульцяна Ляй велеть, сонь
кафта церькавонза, паксянзовок
оцюфт и келихть, но синь ашихть
аф трудяй сёра видихнень кядьса,
а Салаюф баярь кядьса. Кафта
церькафнень эса попне азондыхть
крестьяттенди „тона светса“ це-
бяр эряфонкса, штоба ваймосна
повольхть райти, а мзярс синь
эрясть нишайшиса, горяса и ну-
жаса, конац синь ашезень кадонда,
кода ломанть эсь цильфоц,—синь
эрясть настоящей адса.

„Ляй велерайхнень
Шуфтонь куднясна,
Лоскодса паннефт
Колсеф вальмасна,
Тунда аф эряй
Ярхцамс кшинясна,
Якамс аф сатни
Пильге вийнясна“...

Вов кодама влиста сёрмады сире

эряфть колга мордовский народть
славнай цёрац, мокшень талант-
ливый поэтс Михаил Ильич Безборо-
дов. Тяфта эрсесь и нужать пот-
моса тарксе ваймоц мордов-
ский народсь Октябрьский Соци-
алистический революцияда инголе.
Минь ашель культураньке. Этай
пикнень муме велеса сёрмас содай
ломань, ся сембе сяка, кода марень
аф шаки кизоня марнек садть эзда
муме костовок фкя марья, конац
пужфкя, цють кирди. Минь ашель
литератураньке, ашельхть писате-
леньке, хотя народсь пашксель та-
лантливый ломаньда. Но ня талант-
тне люпшневствь самодержавиянь
строить кямонц алу. И народть
эзда козя таланттне, конат
уленьхть ба великай писательск-
поэтокс, кда тейст уленьхть усло-
вият, кда синь эряльхть свобод-

найста, арьсекшнесть морот, стака
эряфть колга морот, и синь мор-
сезень народсь.

Но человечество кафта вели-
чайшай богатыренза Владимир
Ильич Ленин и Иосиф Виссарио-
нович Сталин, Коммунистический
партиясь, конанц вьтезь синь,
машфтозе Россияса угнетениять,
сембе порабащенной народтненди
максеть свобода, машфтозь Сала-
юфнень, а лоскодса паннефт кут-
тнень вастс, сери церькафнень
вастс тись павазу, культурнай
эряф. Народонь садсь кармась
панжема, а тяни сонь эсонза марьх-
не лувондовихть аф фкянь,
пужфкянь, а марлюфне пашксет
ленинско-сталинский мази плотта,
синь утязь нльне тараттнень.

Аньцек советский власть пинг-
ста минь мордовский народоньконь
эзда могли мумс ки и касомс та-
ланттне.

Минь шачсь родной кяльса ли-
тератураньке, шачсть писателень-
ке. Мордовский народть талант-
востенцы символкс ащи Михаил

Безбородов, конац эсь нюрхкяня
эряфонц писта кенерсь морамс
народть эряфонц и сиреть и одть.

„Видиян, сокаян,
Мокшень цёран,
Эсь мокшень кяльса-валса
Морот моран...
Моран кельгомга,
Седи вакскава,
Катк лийксни морозе
Вирьге, паксява...“

Михаил Безбородов хоть кулось,
но минь марясаськ сонь моронц
тяниеньге, сонь поэзиянь живой
„Ефкс, кона ульсь“ поэмаса, „Кол-
ма пинкт“ стихса сьорматф по-
вестьса, „Матовсь кяжец“ поэмаса
замечательный стихонзон эса, „Каф-
та ширет“ стихса сёрматф пьесанц
эса, Синь мархтоц Безбородовсь
эряй ётксонк, мархтонок марса
тюри тяниень од эряфть, социа-
лизмать тиemanц инкса.

Ответ. редакторь заместителец
И. ЧУДАЙКИН.